

"Жеке тұлғаның активтері мен міндеттемелері туралы декларацияның нысанын және оны жасау қағидаларын бекіту туралы" Қазақстан Республикасы Қаржы министрінің 2018 жылғы 21 маусымдағы № 617 бұйрығына өзгерістер енгізу туралы

Қазақстан Республикасы Премьер-Министрінің орынбасары - Қаржы министрінің 2023 жылғы 20 ақпандағы № 190 бұйрығы. Қазақстан Республикасының Әділет министрлігінде 2023 жылғы 21 ақпанда № 31939 болып тіркелді

БҰЙЫРАМЫН:

1. "Жеке тұлғаның активтері мен міндеттемелері туралы декларацияның нысанын және оны жасау қағидаларын бекіту туралы" Қазақстан Республикасы Қаржы министрінің 2018 жылғы 21 маусымдағы № 617 бұйрығына (Нормативтік құқықтық актілерді мемлекеттік тіркеу тізілімінде № 17163 болып тіркелген) мынадай өзгерістер енгізілсін:

көрсетілген бұйрыққа кіріспе мынадай редакцияда жазылсын:

""Салық және бюджетке төленетін басқа да міндетті төлемдер туралы" Қазақстан Республикасы Кодексінің (Салық кодексі) 206-бабының 2-тармағына сәйкес **БҰЙЫРАМЫН:"**;

көрсетілген бұйрықпен бекітілген жеке тұлғаның активтері мен міндеттемелері туралы декларацияның нысаны (250.00-нысан) осы бұйрыққа қосымшаға сәйкес жаңа редакцияда жазылсын;

көрсетілген бұйрықпен бекітілген Жеке тұлғаның активтері мен міндеттемелері туралы декларацияны (250.00-нысан) жасау қағидаларында:

1-тармақ мынадай редакцияда жазылсын:

"1. Жеке тұлғаның активтері мен міндеттемелері туралы декларацияны (250.00-нысан) жасау қағидалары (бұдан әрі – Қағидалар) "Салық және бюджетке төленетін басқа да міндетті төлемдер туралы" Қазақстан Республикасы Кодексінің (Салық кодексі) 206-бабының 2-тармағына сәйкес әзірленді және жеке тұлғалардың активтері мен міндеттемелері туралы декларацияны жасау тәртібін айқындайды (бұдан әрі – Декларация).";

2-тармақтың 1) тармақшасының бесінші абзацы мынадай редакцияда жазылсын:

""Қазақстан Республикасындағы сайлау туралы" Қазақстан Республикасының Конституциялық заңына (бұдан әрі - Конституциялық заң) және "Банктер және банк қызметі туралы" (бұдан әрі – Банктер туралы заң), "Сақтандыру қызметі туралы" (бұдан әрі – Сақтандыру қызметі туралы заң), "Бағалы қағаздар нарығы туралы" (бұдан әрі – Бағалы қағаздар нарығы туралы заң), "Сыбайлас жемқорлыққа қарсы іс-қимыл туралы" (бұдан әрі – Сыбайлас жемқорлыққа қарсы іс-қимыл туралы заң) Қазақстан

Республикасының заңдарына сәйкес Декларация табыс ету міндеті жүктелген тұлғалар;
";

3-тармақтың 3) тармақшасының алтыншы абзацы мынадай редакцияда жазылсын:

"Қазақстан Республикасының шегінен тыс жерде орналасқан шетелдік банктердің банктік шоттарында барлық банк салымдары бойынша республикалық бюджет туралы заңда белгіленген және Декларация тапсырылған жылдың алдындағы жылдың 31 желтоқсанында қолданылатын айлық есептік көрсеткіштің 1000-еселенген мөлшерінен асатын жиынтық ақша сомасы бар;"

10-тармақта:

екінші бөліктің 4) тармақшасы мынадай редакцияда жазылсын:

"4) 5-жолда – Декларацияның түрі көрсетіледі.

Тиісті торкөздер Декларацияны салық есептілігінің мынадай:

бастапқы – мұндай Декларацияны табыс ету бойынша белгіленген міндет алғаш рет туындауына байланысты жеке тұлға табыс ететін Декларация;

кезекті – Конституциялық Заңға, Банктер туралы, сақтандыру қызметі туралы, Бағалы қағаздар нарығы туралы, Сыбайлас жемқорлыққа қарсы іс-қимыл туралы заңдарға сәйкес жеке тұлға бастапқы Декларацияны ұсынғаннан кейін осындай жеке тұлға ұсынатын Декларация;

қосымша – оған осы өзгерістер және (немесе) толықтырулар жататын, бұрын ұсынылған Декларацияға өзгерістер және (немесе) толықтырулар енгізілген кезде жеке тұлға ұсынатын Декларация;

хабарлама бойынша қосымша – мемлекеттік кірістер органы жеке тұлғаның активтері мен міндеттемелері бойынша камералдық бақылау нәтижелері бойынша бұзушылықтарды анықтаған, бұрын ұсынылған Декларацияға өзгерістер және (немесе) толықтырулар енгізу кезінде жеке тұлға ұсынатын Декларация түрлеріне жатқызуды ескере отырып белгіленеді.

Хабарламаның нөмірі мен күні хабарлама бойынша қосымша Декларация табыс етілген жағдайда толтырылады.";

үшінші бөлік мынадай редакцияда жазылсын:

"Кірістер мен міндеттемелердің бар-жоғы бойынша сауалнама" В бөлімінде мәліметтердің бар-жоғы бойынша ұсынылатын қосымшаларды ескере отырып, тиісті торкөздер (барлық көрсеткіштер есепті күнге болған кезде белгіленеді):

1) 01-жолда - шет мемлекетте тіркелген жылжымайтын мүлік туралы;

2) 02-жолда - шет мемлекетте тіркелген көлік құралдары туралы;

3) 03-жолда - Сыбайлас жемқорлыққа қарсы іс-қимыл туралы заңға сәйкес Қазақстан Республикасының шегінен тыс жерде орналасқан шетелдік банктерде шоттарды (салымдарды) ашу және иелену, Қазақстан Республикасының шегінен тыс жерде орналасқан шетелдік банктерде қолма-қол ақша мен құндылықтарды сақтау бойынша сыбайлас жемқорлыққа қарсы шектеуді қабылдайтын адамдар бойынша

банктік салым сомасына қарамастан Қазақстан Республикасынан тыс жерде шетелдік банктердегі банктік шоттардағы барлық банк салымдары бойынша жиынтық сомасы айлық есептік көрсеткіштің 1000-еселенген мөлшерінен асатын ақша туралы;

4) 04-жолда - Қазақстан Республикасынан тыс жерлерде құрылған заңды тұлғаның (акционерлік қоғамдарды қоспағанда) жарғылық капиталына қатысу үлесі туралы;

5) 05-жолда - жылжымайтын мүлік құрылысына, оның ішінде Қазақстан Республикасынан тыс жерлерде үлестік қатысу туралы;

6) 06-жолда - инвестициялық алтынның болуы туралы;

7) 07-жолда - туынды қаржы құралдары (ТҚҚ), оның ішінде Қазақстан Республикасынан тыс жерлердегі бағалы қағаздар, цифрлық активтер туралы;

8) 08) жолында - инвестициялық пай қорларындағы (ИПК), оның ішінде Қазақстан Республикасынан тыс жерлердегі пайлар туралы;

9) 09-жолда - зияткерлік меншік, авторлық құқық, оның ішінде Қазақстан Республикасынан тыс жерлердегі объектілер туралы;

10) 10-жолда - бағаланатын бірлік құны айлық есептік көрсеткіштің мың еселенген мөлшерінен асатын, оның ішінде Қазақстан Республикасынан тыс жерлерде басқа мүліктің болуы туралы;

11) 11-жолда - дебиторлық/кредиторлық, оның ішінде Қазақстан Республикасынан тыс жерлердегі берешек туралы;

12) 12-жолда - сенімгерлік басқаруға берілген мүлік туралы көрсетіледі.";

төртінші бөліктің бірінші абзацы мынадай редакцияда жазылсын:

"Айлық есептік көрсеткіштің 10000 - еселенген мөлшерінен аспайтын сомадағы қолма-қол ақша туралы мәліметтер" С бөлімінде:";

14-тармақ мынадай редакцияда жазылсын:

"14. Декларацияға 2-қосымша "Сыбайлас жемқорлыққа қарсы іс-қимыл туралы заңға сәйкес Қазақстан Республикасының шегінен тыс жерде орналасқан шетелдік банктерде шоттарды (салымдарды) ашу және иелену, Қазақстан Республикасының шегінен тыс жерде орналасқан шетелдік банктерде қолма-қол ақша мен құндылықтарды сақтау бойынша сыбайлас жемқорлыққа қарсы шектеуді қабылдайтын адамдар бойынша банктік салым сомасына қарамастан Қазақстан Республикасынан тыс жерде шетелдік банктердегі банктік шоттардағы барлық банк салымдары бойынша жиынтық сомасы айлық есептік көрсеткіштің 1000-еселенген мөлшерінен асатын ақша туралы мәліметтер" және "Қазақстан Республикасынан тыс жерлерде құрылған заңды тұлғаның (акционерлік қоғамдарды қоспағанда) жарғылық капиталына қатысу үлесі туралы мәліметтер" деген бөлімдерден тұрады.";

15-тармақтың бірінші бөлігі мынадай редакцияда жазылсын:

"15. Егер Декларацияда 03-жол белгіленген жағдайда "Сыбайлас жемқорлыққа қарсы іс-қимыл туралы заңға сәйкес Қазақстан Республикасының шегінен тыс жерде орналасқан шетелдік банктерде шоттарды (салымдарды) ашу және иелену, Қазақстан

Республикасының шегінен тыс жерде орналасқан шетелдік банктерде қолма-қол ақша мен құндылықтарды сақтау бойынша сыбайлас жемқорлыққа қарсы шектеуді қабылдайтын адамдар бойынша банктік салым сомасына қарамастан Қазақстан Республикасынан тыс жерде шетелдік банктердегі банктік шоттардағы барлық банк салымдары бойынша жиынтық сомасы айлық есептік көрсеткіштің 1000-еселенген мөлшерінен асатын ақша туралы мәліметтер" деген бөлім толтырылады.";

20 және 21 тармақтар мынадай редакцияда жазылсын:

"20. Декларацияға 4-қосымша "Бағалы қағаздардың, туынды қаржы құралдарының (ТҚК), цифрлық активтердің, оның ішінде Қазақстан Республикасынан тыс жерлерде болуы туралы мәліметтер" және "Инвестициялық пай қорларындағы (ИПК), оның ішінде Қазақстан Республикасынан тыс жерлерде пайлардың болуы туралы мәліметтер" деген бөлімдерден тұрады.

21. "Бағалы қағаздардың, туынды қаржы құралдарының (ТҚК), цифрлық активтердің, оның ішінде Қазақстан Республикасынан тыс жерлерде болуы туралы мәліметтер" бөлімі Декларацияда 07-жолы белгіленген жағдайда толтырылады.

07-жолда:

1) А бағанында – толтырылатын жолдың реттік нөмірі;

2) В бағанында – Декларация тапсырушыға тиесілі бағалы қағаздардың, туынды қаржы құралдарының (ТҚК), цифрлық активтердің саны;

3) С бағанында – бағалы қағаздар, туынды қаржы құралдары (ТҚК), цифрлық активтер шығарылған елдің коды.

Елдің коды КОК № 378 шешімімен бекітілген екі таңбалы әріптік кодтауға сәйкес көрсетіледі;

4) D бағанында – бағалы қағаздар, туынды қаржы құралдары (ТҚК), цифрлық активтер сатып алынған валюта коды.

Валюта коды КОК № 378 шешімінде белгіленген үш таңбалы әріптік кодтауға сәйкес көрсетіледі;

5) E бағанында – бір бағалы қағазды, туынды қаржы құралын (ТҚК), цифрлық активті сатып алу бағасы көрсетіледі.";

24-тармақтың екінші бөлігінің 3) тармақшасы мынадай редакцияда жазылсын:

"3) С бағанында – патент нөмірі – бұл патент органы немесе ұйымы (немесе ол шетелдегіге ұқсас) әрбір патент құжатына беретін сериялық нөмір;".

2. Қазақстан Республикасы Қаржы министрлігінің Мемлекеттік кірістер комитеті Қазақстан Республикасының заңнамасында белгіленген тәртіппен:

1) осы бұйрықтың Қазақстан Республикасының Әділет министрлігінде мемлекеттік тіркелуін;

2) осы бұйрықтың Қазақстан Республикасы Қаржы министрлігінің интернет-ресурсында орналастырылуын;

3) осы бұйрық Қазақстан Республикасының Әділет министрлігінде мемлекеттік тіркелгеннен кейін он жұмыс күні ішінде осы тармақтың 1) және 2) тармақшаларында көзделген іс-шаралардың орындалуы туралы мәліметтерді Қазақстан Республикасы Қаржы министрлігінің Заң қызметі департаментіне ұсынуды қамтамасыз етсін.

3. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі және 2023 жылғы 1 қаңтардан бастап туындаған құқықтық қатынастарға қолданылады.

Қазақстан Республикасы
Премьер-Министрінің орынбасары -
Қаржы министрі

Е. Жамаубаев

Қазақстан Республикасы
Премьер-Министрінің
орынбасары -
Қаржы министрінің
2023 жылғы 20 ақпандағы
№ 190 бұйрығына
қосымша
Қазақстан Республикасы
Қаржы министрінің
2018 жылғы 21 маусымдағы
№ 617-бұйрығына
1-қосымша

ЖЕКЕ ТҰЛҒАНЫҢ АКТИВТЕРІ МЕН
МІНДЕТТЕМЕЛЕРІ ТУРАЛЫ ДЕКЛАРАЦИЯ

1 Салық төлеушінің санатын таңдаңыз (тиісті торкөзде көрсетіңіз):

A Сайланбалы лауазымға **КАНДИДАТТАР** болып табылатын адамдар, сондай-ақ олардың жұбайлары мәліметтерді ұсыну мерзімі басталатын айдың бірінші күніне көрсетеді, мемлекеттік лауазымға не мемлекеттік немесе оларға төстестірілген функцияларды орындауға байланысты лауазымға **КАНДИДАТТАР** болып табылатын адамдар, сондай-ақ олардың жұбайлары, банктің, сақтандыру (қайта сақтандыру) ұйымының, инвестициялық портфельді басқарушының ірі қатысушылары болуға тілек білдірген адамдар мәліметтерді табыс етілген айдың бірінші күніне көрсетеді: / /

B Осы декларацияның «A» санатына жатпайтын тұлғалар мәліметтерді декларация табыс етілген жылдың алдындағы / / жылдағы жағдай бойынша көрсетіледі.

A бөлімі. Салық төлеуші туралы жалпы мәлімет

2 ЖСН

3 Егер сіз заңды өкіл болсаңыз (тиісті торкөзде көрсетіңіз):

Ұсынылған адамның (кәмелетке толмаған және (немесе) әрекетке қабілетсіз немесе әрекет қабілеті шектеулі) ЖСН көрсетіңіз

4 Тегі

Аты

Әкесінің аты

Телефон нөмірі

Электрондық мекенжайы

5 Декларацияның түрі (тиісті торкөзде көрсетіңіз):

бастапқы кезекті қосымша хабарлама бойынша қосымша

Хабарламаның нөмірі мен күні (хабарлама бойынша қосымша декларация табыс етілген жағдайда толтырылады) **A** нөмірі **B** күні

6 Резиденттік белгісі (тиісті торкөзде көрсетіңіз): **A** ҚР резиденті **B** ҚР бейрезиденті

B бөлімі. Активтер мен міндеттемелер кірістерінің болуы бойынша сауалнама
Есепті кезең үшін сұрақтарға жауап беруіңізді өтінеміз (тиісті торкөз(дер)де көрсетіңіз):

01 Сізде шет мемлекетте тіркелген жылжымайтын мүлік бар ма ?
Егер «Иә» болса, белгілеңіз және № 1 қосымшаны (250.01 Н) толтырыңыз

02 Сізде шет мемлекетте тіркелген көлік құралы бар ма ?
Егер «Иә» болса, белгілеңіз және № 1 қосымшаны (250.01 Н) толтырыңыз

03 Сізде «Сыбайлас жемқорлыққа қарсы іс-қимыл туралы» Қазақстан Республикасының Заңына сәйкес Қазақстан Республикасының шегінен тыс жерде орналасқан шетелдік банктерде шоттарды (салымдарды) ашу және иелену, Қазақстан Республикасының шегінен тыс жерде орналасқан шетелдік банктерде қолма-қол ақша мен құндылықтарды сақтау бойынша сыбайлас жемқорлыққа қарсы шектеулер қабылдайтын тұлғалар бойынша банк салымдары сомасына қарамастан Қазақстан Республикасынан тыс жерлерде шетелдік банктердегі банктік шоттардағы барлық банк салымдары бойынша жиынтық сомасы айлық есептік көрсеткіштің 1000-еселенген мөлшерінен асатын ақшаңыз бар ма ?
Егер «Иә» болса, белгілеңіз және № 2 қосымшаны (250.02 Н) толтырыңыз

04 Сізде Қазақстан Республикасынан тыс жерде құрылған заңды тұлғаның (акционерлік қоғамдарды қоспағанда) жарғылық капиталына қатысу үлесі бар ма ?
Егер «Иә» болса, белгілеңіз және № 2 қосымшаны (250.02 Н) толтырыңыз

05 Сізде жылжымайтын мүлікті, оның ішінде Қазақстан Республикасынан тыс жерлердегі жылжымайтын құрылысында үлестік қатысу туралы шарт бар ма ?
Егер «Иә» болса, белгілеңіз және № 3 қосымшаны (250.03 Н) толтырыңыз

06 Сізде инвестициялық алтын бар ма ?
Егер «Иә» болса, белгілеңіз және № 3 қосымшаны (250.03 Н) толтырыңыз

ЖЕКЕ ТҰЛҒАНЫҢ АКТИВТЕРІ МЕН МІНДЕТТЕМЕЛЕРІ ТУРАЛЫ ДЕКЛАРАЦИЯ

В бөлімі. Активтер мен міндеттемелер кірістерінің болуы бойынша сауалнама
 Есепті кезең үшін сұрақтарға жауап беруіңізді өтінеміз (тіісті торкөз(дер)де көрсетіңіз):

- 07** Сізде, туынды қаржы құралдар, бағалы қағаздар, цифрлық активтер, оның ішінде Қазақстан Республикасынан тыс жерлерінде бар ма? Егер «Иә» болса, белгілеңіз және № 4 қосымшаны (250.04 Н) толтырыңыз
- 08** Сізде инвестициялық пай қорларында (ИПҚ), оның ішінде Қазақстан Республикасынан тыс жерлерде пайларыңыз бар ма? Егер «Иә» болса, белгілеңіз және № 4 қосымшаны (250.04 Н) толтырыңыз
- 09** Сізде зияткерлік меншік, авторлық құқық, оның ішінде Қазақстан Республикасынан тыс жерлердегі объектілер туралы бар ма? Егер «Иә» болса, белгілеңіз және № 5 қосымшаны (250.05 Н) толтырыңыз
- 10** Сізде бағаланатын бірлік құны айлық есептік көрсеткіштің 1000 еселенген мөлшерінен асатын, оның ішінде Қазақстан Республикасынан тыс жерлерде басқа мүлік бар ма? Егер «Иә» болса, белгілеңіз және № 5 қосымшаны (250.05 Н) толтырыңыз
- 11** Сізде дебиторлық/кредиторлық, оның ішінде Қазақстан Республикасынан тыс жерлерде берешек бар ма? Егер «Иә» болса, белгілеңіз және № 6 қосымшаны (250.06 Н) толтырыңыз
- 12** Сізде сенімгерлік басқаруға берілген мүлік бар ма? Егер «Иә» болса, белгілеңіз және № 6 қосымшаны (250.06 Н) толтырыңыз

С бөлімі. Айлық есептік көрсеткіштің 10 000 еселенген мөлшерінен аспайтын сомадағы қолма-қол ақша туралы мәліметтер

* В бағанында Кеден одағы Комиссиясының 2010 жылғы 20 қыркүйектегі № 378 шешімімен бекітілген «Валюталар жіктеуішіне» сәйкес валютаның әріптік үш таңбалы кодын көрсетіңіз.

A №	B Валюта коды*	C Сомасы
		млн. мың
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
ТОЛТЫРУ ҮЛГІСІ:		
<input type="text"/>	<input type="text"/>	<input type="text"/>

D бөлімі. Салық төлеушінің жауапкершілігі

Мен осы декларацияда келтірілген мәліметтердің дұрыстығы үшін Қазақстан Республикасының заңдарына сәйкес жауап беремін.

<p>Шектеу сызығынан шықпаңыз</p> <p>Салық төлеушінің/заңды өкілінің Т. А. Ә. (болған жағдайда) / Қолы</p>	<p>Декларация тапсырылған күні <input type="text"/> Сандармен күні, айы, жылы</p> <p>Мемлекеттік кірістер органының коды <input type="text"/></p>
<p>Шектеу сызығынан шықпаңыз</p> <p>Декларацияны қабылдаған лауазымды адамның Т.А.Ә (болған жағдайда) / Қолы</p> <p>Құжаттың кіріс нөмірі <input type="text"/></p>	<p>Декларацияны қабылдаған күні <input type="text"/> Сандармен күні, айы, жылы</p> <p>Пошта штемпелінің күні <input type="text"/> Сандармен күні, айы, жылы</p> <p style="text-align: right;">М.О.</p>

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК